

AUGLÝSING

um breytingu á gjaldskrá Orkubús Vestfjarða fyrir raforku, nr. 4, 10. janúar 1985 og hitaveitur, nr. 2, 10. janúar 1985.

Samkvæmt 25. gr. og 29. gr. orkulaga nr. 58 29. apríl 1967 og 10. gr. laga nr. 66 31. maí 1976, um Orkubú Vestfjarða, hefur ráðuneytið staðfest eftirfarandi breytingar á gjaldskrá Orkubús Vestfjarða fyrir raforku og hitaveitur frá og með 1. apríl 1985.

Gjaldskrá Orkubús Vestfjarða fyrir raforku:

Kaflí II. Heimtaugagjald í þéttbýli, orðist svo:

Fyrir rafveitu og hitaveitu sameiginlega.

Heimtaugargjöld Orkubús Vestfjarða í kaupstöðum, kauptúnum og þorpum, tengd veitusvæðum Orkubúsins og með fasta íbúatölu 50 eða fleiri, samkvæmt skrá hagstofu Íslands á hverjum tíma miðað við áramót, eru sem hér segir:

1. Orkubússtjóri ákveður stærð og gerð heimtauga eða spennistöðva fyrir hverja húsveitu. Með heimtaug er átt við hvort heldur tengingu við rafveitu og/eða hitaveitu.
- 1.1 Umsækjandi heimtaugar skal á heimtaugarumsókn gera grein fyrir væntanlegri raforku-notkun næstu 5 árin, ásamt gerð og notkun húsnæðis. Teikning af húsnæðinu fylgi heimtaugarumsókn. Heimtaugargjald skal greitt að fullu áður en verk er hafið.
2. Ein heimtaug er lögð að eign eða eignum á hverri lóð og greiðist heimtaugargjald af hverri heimtaug eða spennistöð sem hér segir:

2.1 Heimtaug

Aflþörf veitu kW	Stofngjald kr.	Jarðstrengur gjald af yfirlengd ¹⁾ kr/m
Allt að 40	45 000,00	773,00
40— 65	70 000,00	963,00
65—130	140 000,00	1 130,00
130—200	220 000,00	1 430,00

Stofnvarkassi

tengdur við

loftlínu

(sjá lið 3,2)

6 010,00

- 2.2 Lengd jarðstrengsheimtaugar reiknast frá lóðamörkum við götu, stystu greiðfæra leið að varkassa á útvegg götuhliðar hússins. Teljist hagkvæmara að hafa varkassa á innvegg skal leita samþykkis orkubúsins um gerð og frágang pípu, sem heimtaugarstrengurinn verður dreginn í. Af jarðstrengsheimtaug með flutningsgetu 200A og 315A greiðist yfirlengdargjald af vegalengd frá stofnvarkassa að rofa í dreifistöð að frádregnum 25 m í lóð. Af vegalengd umfram 125 m í götu greiðist ekki yfirlengdargjald, sjá þó lið 2.4.
- 2.3 Sé nauðsynlegt eða hagkvæmara að setja spennistöð að mestu eða öllu leyti, fyrir einn notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi Orkubúsins, með hliðsjón af tæknilegum aðstæðum, hverju sinni.

Pegar lóð er lögð til, er það gert Orkubúinu að kostnaðarlausu og hlíta ber skilmálum þess um stærð og staðsetningu stöðvarinnar. Þegar húsnæði fyrir spennistöð er lagt til, t. d. innan þess húsrýmis er umsækjandi hefur til umráða svo sem í fiskverkunarhúsum, fiskimjölbræðslum, iðnaðarhúsnæði, verslunarhúsnæði o. s. frv., skal staðsetning þess ákveðin með samþykki Orkubúsins í hverju tilviki og skal húsnæðisaðstaðan fullnægja

þeim kröfum sem gerðar eru um húsnæði til þessara nota. Húsnæðið — uppsteypt hús — er lagt Orkubúinu til að kostnaðarlausu, en það sér um allan kostnað við fullnaðarfrágang húsnæðisins eftir nánara samkomulagi þar um, hverju sinni.

- 1) Yfirlengd reiknast af jarðlínuheimtaug, sem er lengri en 25 m í lóð. Auka mælagrind fyrir hitaveitu kr. 24 000,00.
- 2.4 Telji Orkubúið að auka þurfi flutningsgetu heimtaugar eða stækka spennu, eða notandi óskar eftir þeirri aukningu skal notandi greiða 40% kostnaðar samkvæmt heimtaugar-gjaldskrá fyrir íbúðarhús, en allan kostnað samkvæmt kostnaðarreikningi, fyrir iðnaðar- og verslunarhús o. þ. h.
3. Fyrir bráðabirgðaheimtaug í vinnuskúr eða hús í byggingu skal greiða sem hér segir:
 - 3.1 Grunngjald óháð kostnaði við setningu bráðabirgðaheimtaugar kr. 3 620,00.
 - 3.2 Fyrir kostnað við framkvæmd verksins og leigu á efni samkvæmt kostnaðaráætlun Orkubúsins, sem miða skal við aðstæður hverju sinni.
 - 3.3 Fyrir stofnvarkassa með tilheyrandi búnaði og mælitækjum, sem tengdur er í loftlínu-staur í kerfi Orkubúsins skal greiða eins og 2.1. segir til um miðað við 63 Amp. stofnvar, en að öðru leyti fer um gjald samkvæmt lið 3.1.
4. Gjaldskrá þessi gildir í skipulögðum hverfum, innan kaupstaða, kauptúna og þorpa. Sé um óskipulagt svæði að ræða eða aðstæður óeðlilegar, skal greiða heimtaugargjald samkvæmt reikningi, er byggist á kostnaðaráætlun eða raunkostnaði, háð aðstæðum og ákvörðun Orkubúsins hverju sinni.

Gjaldskrá Orkubús Vestfjarða fyrir hitaveitur:

5. grein orðist svo:

Varðandi tengigjöld fyrir hitaveitur sjá Heimtaugagjald í þéttbýli í gjaldskrá Orkubús Vestfjarða fyrir raforku.

6. grein falli niður.

Síðari greinar færast fram sem því nemur.

Iðnaðarráðuneytið, 21. mars 1985.

F. h. r.

Páll Flygenring.

Guðrún Skúladóttir.

SAMÞYKKT

**um forkaupsrétt Hveragerðishrepps í Árnessýslu að fasteignum
innan sveitarfélagsins.**

Hreppsnefnd Hveragerðishrepps hefur gert eftirfarandi samþykkt:

„Samkvæmt heimild í 26. gr. skipulagslaga nr. 19 frá 21. maí 1964, sbr. lög nr. 22/1932, hefur hreppsnefnd Hveragerðishrepps samþykkt að áskilja Hveragerðishreppi forkaupsrétt að lóðum og öðrum fasteignum innan hreppsins.“ Samþykkt þessi öðlast þegar gildi og gildir í 5 ár frá dagsetningu hennar að telja. Birtist hún hér með til eftirbreytni öllum þeim, sem hlut eiga að máli.

Félagsmálaráðuneytið, 21. mars 1985.

F. h. r.

Hallgrímur Dalberg.

María Á. Guðmundsdóttir.